

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲԲԱ-ԼՕ-2020/106, 23.09.2020թ.

Բողոք բերող անձ՝ «Սուլար Էներջի Սիստեմ Սոլյութիոնս» ՍՊԸ

Պատվիրատու՝ Նոր Գողիի համայնքապետարան

Գնման ընթացակարգի ծածկագիրը՝ «ԿՄՆԳՀ-ԳՀԱՇՁԲ-20/05» գնանշման հարցում

Գնման առարկան՝ Ֆոտովոլտային կայանների տեղադրման աշխատանքների ձեռքբերում:

Բողոքի պահանջը՝ Պարտավորեցնել «ԿՄՆԳՀ-ԳՀԱՇՁԲ-20/05» ծածկագրով գնանշման հարցման ընթացակարգի գնահատող հանձնաժողովին՝

1. դադարեցնել «Ֆրիներջի» ՍՊԸ-ին ընտրված մասնակից ճանաչելու մասին որոշումը,
2. «Սուլար Էներջի Սիստեմ Սոլյութիոնս» ՍՊԸ-ին անհապաղ տրամադրել «Ֆրիներջի» ՍՊԸ-ի կողմից 16.09.2020թ.-ին շտկման արդյունքում ներկայացրած փաստաթղթերը և նախագծողի կողմից նախագծով ի սկզբանե կազմված ծավալաթերթ-նախահաշվի տիպային օրինակի պատճեն:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ռ. ՄԿՐՏՉՅԱՆ**

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Բողոք բերող՝ «ՍՈԼԱՐ ԷՆԵՐՋԻ ՄԻՍՏԵՍ ՍՈԼՈՒԹԻՈՆՍ» ՍՊԸ

Հասցե՝ ՀՀ, ք. Երևան, Կոռյունի 8/4

Հեռ: 043100007

Էլ. փոստ՝ sessolutions@yahoo.com

Պատվիրատու՝ Նոր Գեղիի համայնքապետարան

Հասցե՝ ՀՀ, Կոտայքի մարզ, գ. Նոր Գեղի, Ֆ.Թևոսյան 64

Գնման ընթացակարգի ծածկագիրը և առարկան՝

ՀՀ Կոտայքի մարզի Նոր Գեղիի համայնքապետարանի կարիքների համար՝ «ՀՀ Կոտայքի մարզի Նոր Գեղի համայնքում ֆոտովոլտային կայանների տեղադրման աշխատանքների» ձեռքբերման նպատակով հայտարարված «ԿՄՆԳՀ-ԳՀԱՇՁԲ-20/05» ծածկագրով գնանշման հարցման ընթացակարգ

Բ ո ղ ո ք

• Գործի հակիրճ նկարագրությունը և բողոքի փաստերը.

✓ ՀՀ Կոտայքի մարզի Նոր Գեղիի համայնքապետարանի կարիքների համար՝ «ՀՀ Կոտայքի մարզի Նոր Գեղի համայնքում ֆոտովոլտային կայանների տեղադրման աշխատանքների» ձեռքբերման նպատակով հայտարարվել է «ԿՄՆԳՀ-ԳՀԱՇՁԲ-20/05» ծածկագրով գնանշման հարցման ընթացակարգ (այսուհետ նաև՝ Ընթացակարգ), որին մասնակցելու նպատակով հայտ է ներկայացրել նաև «ՍՈԼԱՐ ԷՆԵՐՋԻ ՄԻՍՏԵՍ ՍՈԼՈՒԹԻՈՆՍ» ՍՊԸ-ն:

✓ Ընթացակարգի գնահատող հանձնաժողովի 16.09.2020թ. ժամը 11:00-ին տեղի ունեցած նիստի արձանագրության 2.1 կետի համաձայն՝

Հիմք ընդունելով թիվ ԳԲՔԱ-ՆԳ-2020/70 ՀՀ գնումների հետ կապված բողոքներ քննող անձի 07.09.2020թ. կայացրած որոշումը՝ դադարեցնել «Ֆրիներջի» ՍՊԸ-ին ընտրված մասնակից ճանաչելու մասին որոշումը:

Իսկ նույն արձանագրության 2.2 կետով գնահատող հանձնաժողովը որոշել է՝ հիմք ընդունելով Կարգի 41-րդ կետի համաձայն կասեցնել գնահատման գործընթացը և նույն օրը «Ֆրիներջի» ՍՊԸ-ին ուղարկել ծանուցում հրավերով սահմանված պահանջների նկատմամբ անհամապատասխանությունների շտկման համար:

Այնուհետև, www.gnumner.am համացանցային կայքում 22.09.2020թ. հրապարակվում է գնահատող հանձնաժողովի կողմից 17.09.2020թ. ժամը 11:00-ին տեղի ունեցած նիստի արձանագրություն, որի 1.2 կետի համաձայն <<Ֆրիներջի>> ՍՊԸ-ն շտկել է արձանագրված անհամապատասխանությունները, իսկ 2.1 կետի համաձայն <<Ֆրիներջի>> ՍՊԸ-ն ճանաչվել է առաջին տեղ զբաղեցնող մասնակից /ընտրված մասնակից/:

✓ Այնուհետև, www.gnumner.am համացանցային կայքում 18.09.2020թ. «ԿՄՆԳՀ-ԳՀԱՇՁԲ-20/05» ծածկագրով գնանշման հարցման ընթացակարգի գնահատող հանձնաժողովի կողմից հրապարակվել է պայմանագիր կնքելու մասին որոշման հայտարարություն:

• Բողոքի իրավական հիմքերը և հիմնավորումները.

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) **գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.**

2) պայմանագրի կնքման նպատակով մասնակիցների շրջանակի ընդլայնում և **նրանց միջև մրցակցության խրախուսում.**

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, **գնման գործընթացին մասնակցելու իրավահավասարություն:**

Օրենքի 46-րդ հոդվածի համաձայն՝ **յուրաքանչյուր անձ իրավունք ունի բողոքարկելու պատվիրատուի, գնահատող հանձնաժողովի և գնումների հետ կապված բողոքներ քննող անձի գործողությունները (անգործությունը) և որոշումները:**

ՀՀ կառավարության 526-Ն որոշման 41-րդ կետի համաձայն՝ **եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:**

22 կառավարության 526-Ն որոշման 42-րդ կետի համաձայն՝ եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա վերջինիս հայտը գնահատվում է բավարար: **Հակառակ դեպքում** տվյալ մասնակցի հայտը գնահատվում է անբավարար և մերժվում է, իսկ ընտրված մասնակից է ճանաչվում հաջորդող տեղ զբաղեցրած մասնակիցը:

Տվյալ պարագայում ՀՀ գնումների հետ կապված բողոքներ քննող անձի ուշադրությունն ենք հրավիրում հետևյալ հանգամանքների վրա.

Նախ, Ընթացակարգի գնահատող հանձնաժողովի 16.09.2020թ. ժամը 11:00-ին տեղի ունեցած նիստի արձանագրության 2.1 կետի համաձայն՝ հանձնաժողովը հիմք ընդունելով թիվ ԳԲՔԱ-ՆԳ-2020/70 ՀՀ գնումների հետ կապված բողոքներ քննող անձի 07.09.2020թ. կայացրած որոշումը՝ որոշել է դադարեցնել <<Ֆրիներջի>> ՍՊԸ-ին ընտրված մասնակից ճանաչելու մասին որոշումը:

Իսկ նույն արձանագրության 2.2 կետով գնահատող հանձնաժողովը որոշել է՝ հիմք ընդունելով Կարգի 41-րդ կետի համաձայն կասեցնել գնահատման գործընթացը և նույն օրը <<Ֆրիներջի>> ՍՊԸ-ին ուղարկել ծանուցում հրավերով սահմանված պահանջների նկատմամբ անհամապատասխանությունների շտկման համար:

Եվ միայն www.gnumner.am համացանցային կայքում 22.09.2020թ. հրապարակված գնահատող հանձնաժողովի կողմից 17.09.2020թ. ժամը 11:00-ին տեղի ունեցած նիստի արձանագրության 1.2 կետից պարզ է դառնում, որ <<Ֆրիներջի>> ՍՊԸ-ն շտկել է արձանագրված անհամապատասխանությունները, իսկ 2.1 կետի համաձայն <<Ֆրիներջի>> ՍՊԸ-ն ճանաչվել է առաջին տեղ զբաղեցնող մասնակից /ընտրված մասնակից/:

Սինչդեո «ՍՈԼԱՐ ԷՆԵՐՋԻ ՄԻՍԵՍ ՍՈԼՈՒԹԻՈՆՍ» ՍՊԸ-ն 16.09.2020թ. և 19.09.2020թ. գնահատող հանձնաժողովին է ներկայացրել **փաստաթղթերի պահանջի դիմում /կցվում է/**, որով խնդրել ենք ներկայացնել <<Ֆրիներջի>> ՍՊԸ-ի կողմից 16.09.2020թ. շտկման արդյունքում ներկայացրած փաստաթղթերը և նախագծողի կողմից նախագծով իսկզբանե կազմված ծավալաթերթ նախահաշվի տիպային օրինակի պատճեն:

Այնինչ՝ ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի 32-րդ կետի 4-րդ ենթակետի համաձայն՝ **պահանջի դեպքում** մասնակցի հայտի, ներառյալ գնային, իսկ ապրանքների գնման դեպքում նաև մասնակցի, այդ թվում՝ առաջին տեղն զբաղեցրած մասնակցի կողմից ներկայացված ապրանքի ամբողջական նկարագիրը պարունակող փաստաթղթի (փաստաթղթերի)

պատճենները հանձնաժողովի քարտուղարն անհապաղ տրամադրում է նման պահանջ ներկայացրած այլ մասնակցին:

Արդյունքում, «ՍՈԼԱՐ ԷՆԵՐՋԻ ՄԻՍԵՍ ՍՈԼՈՒԹԻՈՆՍ» ՍՊԸ-ն ղեկավարվելով ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի 32-րդ կետի 4-րդ ենթակետի պահանջներով՝ գնահատող հանձնաժողովին խնդրել է անհապաղ տրամադրել <<Ֆրիներջի>> ՍՊԸ-ի կողմից 16.09.2020թ. շտկման արդյունքում ներկայացրած փաստաթղթերը, որը մինչ օրս գնահատող հանձնաժողովի կողմից չի ներկայացվել մեզ:

«Գնումների մասին» ՀՀ օրենքի 50-րդ հոդվածի 7-րդ մասի 1-ին կետի «ա» ենթակետի համաձայն՝ գնումների հետ կապված բողոքներ քննող անձը իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ.

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման:

ԽՆԴՐՈՒՄ ԵՄ՝

1. Պարտավորեցնել «ԿՄՆԳՀ-ԳՀԱՇՁԲ-20/05» ծածկագրով գնանշման հարցման ընթացակարգի գնահատող հանձնաժողովին դադարեցնել «Ֆրիներջի» ՍՊԸ-ին ընտրված մասնակից ճանաչելու մասին որոշումը:

2. Պարտավորեցնել «ԿՄՆԳՀ-ԳՀԱՇՁԲ-20/05» ծածկագրով գնանշման հարցման ընթացակարգի գնահատող հանձնաժողովին՝ «ՍՈԼԱՐ ԷՆԵՐՋԻ ՄԻՍԵՍ ՍՈԼՈՒԹԻՈՆՍ» ՍՊԸ-ին անհապաղ տրամադրել <<Ֆրիներջի>> ՍՊԸ-ի կողմից 16.09.2020թ. շտկման արդյունքում ներկայացրած փաստաթղթերը և նախագծողի կողմից նախագծով իսկզբանե կազմված ծավալաթերթ նախահաշվի տիպային օրինակի պատճեն:

Կից ներկայացվում է՝

1. Պետական տուրքի վճարման անդորրագիրը:
2. «ՍՈԼԱՐ ԷՆԵՐՋԻ ՄԻՍԵՍ ՍՈԼՈՒԹԻՈՆՍ» ՍՊԸ-ի տնօրենի անձնագրի պատճեն:
3. Գնահատող հանձնաժողովի 16.09.2020թ. ժամը 11:00-ին և 17.09.2020թ. ժամը 11:00-ին տեղի ունեցած նիստի արձանագրությունների պատճենները:

4. «ՍՈԼԱՐ ԷՆԵՐՋԻ ՄԻՍԵՄ ՍՈԼՈՒԹԻՈՆՍ» ՍՊԸ-ի կողմից 17.09.2020թ. և 18.09.2020թ. զնահատող հանձնաժողովին՝ փաստաթղթերի պահանջի նպատակով ներկայացված դիմումի պատճենները:

Հարգանքով՝

«ՍՈԼԱՐ ԷՆԵՐՋԻ ՄԻՍԵՄ ՍՈԼՈՒԹԻՈՆՍ» ՍՊԸ-ի տնօրեն  Հարսիքոյան

23.09.2020թ.

